



40073

I

Mag. St. Dr.

P

Capituli.

Test. 3306

Politorium Joann. Dionysii: Seminarium Ep-
iscoporum amplissimi Capituli Gnesnensis.

Pornanica in off. Alb. Reguli 1641.

SEMINARIUM EPISCOPORVM.

Augustissimi Capituli Gnesnensis,
Amplissimo Perillustrium.



REVERENDISSIMORVM DO-
MINORVM PRÆLATORVM
ET CANONICORVM GNE-
SNENSIUM.

CAPITULO

DD. & Patronis obseruandissimis.

BIBLIOTHECA UNIV.



JAGIELLONICAR

A

IOANNE DIONYSIO POLITOWICZ Philosophia
Doctore, Academica Colonia ad Aedes Almae Eccle-
siae Metropolitanae Gnesnensis Praefecto. Cum de-
bita animi obseruantia sub Generali Capitulo
pro Festo Translationis Diui ADAL-
BERTI Anno Domini. 1641.

feliciter celebrato,

OBLATVM.

POSNANIA In Officina Alberti Reguli

INSIGNIA AVGVSTISSIMI CAPITVLI GNESNENSIS.



40023


56

*Symbola sunt, cernis, candoris LILIA terna
Frangranti Verus candor odore' viget:
Sic igitur crescant multis mansura diebus
Pro meritis dignis munera celsa ferant:*

Alexander Glembocki
Studiosus Academicæ Coloniz Gnesæ

Amplissimo & Reuerendissimo.
ALMÆ MATRIS ECCLESIAE
METROPOLITANÆ GNES:
SENATVI.

Dominis & Patronis suis optimis S. & F.

 *Atebor ingenuè arduam me rem, & fortasse plenam difficultatis ausum & ag-
gressum, quando sub amplissimis Augustissimi Capitali
Vestri nominibus, hoc quod crebris hominum sic soleat usur-
pari sermonibus SEMINARIUM EPISCOPORVM, illiusq;
propriis virtutum imagines, & Rerum gestarum gloriam, rudi & sim-
plici sinceritamen affectus penicillo adumbratum, in lucem publicam
vestro fretus favore, prodire permittam. Facile quidem & imperitus
artifex nobilissimo adamanti poterit addere splendorem & nitorem, cum
materiam per se splendidam & claram nullo egere aduerterit ad miniculo
splendoris; at plena venerationis Elogia, viris solidæ eruditionis & pie-
tatis omnibus numeris absolutissimis instituere; & ad eos laudandos omnes
ingenij nervos conferre; magnæ difficultatis opus, & industriæ monumē-
tum, etiam vulgi mecum pariter approbabit sententia. Quod si Ale-
xander ille magnus totius fere orbis Monarchares maximas mira celeri-
tate, & rara felicitate, gestas, vultus sui magnificentiam totiusq; corpo-
ris lineamenta, nisi à Lysippo fingi, ab Appelle pingi præstantissimis suæ
ætatis artificibus, rigoroso cavit edicto: persuasum habens quantum vale-
at ingeniosa solertia, illustris eloquentia, percoctum iudicium, & sagax
memoria, ad ornamenta virtutū Clarissimorum virorum celebranda, aut
literis in conspectum publicū prodenda. Verum à PERILLVSTRI-
BUS & REVERENDISSIMIS Dñis D. V. Patronis Amplif-*

simis non pluris orationis nitore, nullis pigmentis & coloribus simulationis expressus, quam mentis obsequentis affectu debita pietatis deuote declaratus candor, æqui bonique estimabitur. Nec minus à Vobis probari lucubrationem meam, quam grato animo & benigna facie excipi semper volui: nec Vos magis diligentissimos ad conciliandos mihi animos promotores paravi, quam acerrimos ad excusandam si quam incurri culpam, defensores in animo proposui. Optime profecto norint, naturam optimam omnium rerum parentem non immerito quasdam hominibus distribuisse qualitates; ut melioris vitæ, deteriore ad bonam frugem deducat: robustioris corporis, in firmiorem erigat: nobilioris fortune tenuiorem ad sublimiorem dignitatis gradum promoueat: excellentioris ingenij debiliorem doceat, & ab insultibus Zolitorum defendere ac tueri gloriosum ducat. Non aliter & meas exiles ingenij vires in recensendis Eminentissimi Capituli Vestri florentissimis virtutibus, deficientes, Zephyris beneuolentia in qua luculentissime versamini, spirantibus, erigere studebitis, & me ab Aristarchorum mordacibus linguis si frement, & adularvicibus Lauernis, si furtim bonam credent, ut identidem solent existimationem vindicabitis & subleuabitis Vestris LILIIS; quæ apes, licet ex varijs florum generibus mella ad alueos suos colligant, ne primis quidem labris, ut dicitur, degustare & attingere audent. Fauete itaque **PERILLVSTRES & REVERENDISSIMI DOMINI** his conatibus meis in tutelam & patrocinium vestrum recipientes

Deuotum

Ioannem Dionysium Politowicz
Philosophiæ Doctorem Scholæ
Vestrae Præfectum.



SEMINARIUM EPISCOPORVM.

COMMUNIS & vſitata mul-
tis q̄; ab annis recepta eſt hominum
conſuetudo, Magni Magnæ Eccleſiæ
Metropolitane Senatores, vt aduentus
magni Principis, rarusq̄; ad Regnum
ingreſſus, tantum omnibus lætitiæ & iucunditatis affe-
rat, quantum ex ipſius conſpectu & plena veneratio-
nis maiestate vniuerſo Regno prouenire ſoleat digni-
tatis. Etenim ſalus Ciuium ſalute Principis contine-
tur; felicitas ſubditorum ex Regum felicitate depen-
det; bona, fortunæ, vita, & ſpiritus quem hauriunt, pax
& quies quâ perfruuntur in Regum & Imperatorum
manibus poſita eſt. Non mirum igitur ſi aduentu Re-
gum & Principum ciues & ſubditi lætentur, cum qui-
bus bonam fortunam certò ſibi adueniſſe pollicentur.
Proinde ad lætitiæ apparatus inſtaurandum eiusque
ſplendorem augendum Patronos ſuos, Imperatores,
Reges cariſſimos reddere cupientes, quidquid fortu-
narum ratio permittit alacres congerunt. Quibus

verò subtile à Deo datum ingenium, Decennalia, Vicennalia, Tricennalia, non in postrema obseruatione habere solent, vt sub ipsorum rēkursu ingenij sui dexteritatem depromere, & quā luculentissimē animi testificationem declarare possint. Idem mihi ex vmbra in solem venienti videtur faciendum: (cum congressus vester de bono Reipublicæ suæ tractando auspiciatissimus, & summam alacritatem offerendæ breui meæ lucubrationi, inter pulueres scholasticos rudi & incultā Mineruā confectæ; & incredibilem declarandæ erga Perillustres D. V. Patronos obseruandissimos voluntati attulit lætitiā) gratulari videlicet vestro Augustissimo Senatui non iam Decēnalia, sed aliquot (si ita dici potest) Centennalia, & ex virtutib⁹ præclara quæq; augurari. Non eo quidem animo facio, vt ingenij mei dotes, quæ prorsus nullæ sunt ad captandam popularem auram, ostentem; sed vt ternorum LILIORVM latissima folia virtutum hoc præsertim temporis autumnalis ingressu vestro fauore & singulari beneuolentia suffultus, explicem. Verumtamen vehementer pertimesco, vt in hac spatha quam nactus sum ornanda vestræ de me expectationi satisfacere valeam: cum prudentis artificis sit officium, in primis vires suas metiri, & quid valeant humeri, quid ferre recusent probare, & tum demum intra præscriptos fines se continere. Quod si hoc ab artifice accepimus, quid mihi faciendum putetis tenuitatis meæ conscio? præfer-

tim

tim grauem materiam ad exponendum aggredienti?
In spem tamen bonam erigor cū ingenuo & industrio
debitore, qui ante latam Iudicis sententiam vltro ci-
troq; se ac omnes suas quas possidet facultates, cre-
ditori adscribit, vt sciat ille qui non est soluendo, non
voluntatem, sed fortunam tantum defuisse. Quo-
circa concedite breuem temporis ad legendum, v-
suram, & mihi sine vllō splendore & apparatu verbo-
rum SEMINARIUM EPISCOPORVM fuisse statim
à primo sui seculi ortu eruditū & vitæ sanctimonia in-
signe ostendere cupienti, ILLUSTREM faciem non a-
nimum tædiosum præbetote.

Quamquam omnes honestæ actiones ex virtutibus pul-
lulantes & enascentes, magnam nominis suppeditare
soleant mortalibus existimationem: tamen inter cæte-
ra earum ornamenta, quæ in genus hominum proflu-
xerunt, nullum puto meâ quidem sententiâ, in hac v-
niuersi structura, vberiorē pietatis ac integritatis pro-
fluxisse fontem, quàm ex honestissimis literarum disci-
plinis. Hæ enim non barbariem duntaxat in naturam
belluinam degeneratam profligârunt, sed etiam mores
incomptos & feris indomitis non absimiles, in quen-
dam elegantiae modum studijs humanitatis expolitum
commutârunt. Vnde non ineleganter illam vates in
suis Elegijs expressit ad monitionem.

*Adde quod ingenuas didicisse feliciter artes
Emollit mores nec sinit esse feros.*

Qui-

Quibus ille Tyrannus Nero ipso monente diuino præceptore Seneca imbutus, naturæ suæ in omnem insolentiam proiectæ, frenum iniecit: nec illum à latere suo ad consilia sapienter & prudenter peragenda, donec morti iniustæ & inopinatæ ab illo destinatus fuisset dimittere sinebat; sed semper studebat eius prudentia esse & videri doctior: persuasum habens nullum imperium, nullam Prouinciã absq; viris sapientibus posse consistere recteq; gubernari. cum omnis Reip: rectè gerendæ ratio in summa sapientia eruditissimorum virorum sit posita. Multoties ingeminabat vir sapientissimus: illas Prouincias esse beatas & florentes quas Philosophi aut gubernarent, aut prudentissimo suo consilio iuuarent. Præuidet hoc viri in solio amplissimæ dignitatis collocati aliorum præsertim doctissimorum virorum prudentiã oportere viuere, quos non aliam ob causam ex omnibus scientiarum facultatibus ad Curias suas accersunt, vt non desistant vel à tramite rectæ iustitiæ, vel à cursu optimæ gubernationis. Non immerito Carolus ille Magnus statim in primo cuiuscunq; vrbs & Ciuitatis ingressu interrogare solebat vtrum in illa Ciuitate existat prudens Senatus? in quo vniuersus populus salutis suæ & libertatis retinendæ totam spem collocet. Horologium non fallax, in quo ordo omnium consistit. et scholæ Præfectus ad rectè informandos instituendosq; in omnibus honestissimarum disciplinarum studijs teneros animos, & vitæ mori-

moribus & literarum scientia clarus. Innuere volebat
eiusmodi homines communes in terris sospitatores re-
conditoris doctrinæ præsidij, & experientia rerum.
Magistra instructos, & longo usu & exercitatione per-
politos esse oportere, vt eorum mens animi dotibus in-
nixa ad conseruandam publicam salutem prompta &
omnibus numeris absoluta, euadat. Nulli præter hos
aptiores & magis idonei ad commune mortalitatis præ-
sidium nascuntur: à quibus veluti consultissimo ora-
culo, virtutum & officiorum omnium salubria vniuer-
so populo sumuntur consilia. Nihil est tam arduum,
quod tantis ducibus homines se non sperent consecu-
turos. In rebus enim iudicandis non postremam par-
tem ad vnam quamq; rem æstimandam, momentoque
suo ponderandam sapientia doctissimorum virorum
tenet, quos supremus ille rerum omnium effector &
Moderator DEVS in hoc sublunari globo, Iuri con-
seruando & tuendæ libertati præesse voluit, ne per cal-
lidam Iuris, peruerforum hominum interpretationem
in aliquod fatale discrimen, deueniant. Talibus viro-
rum præsidij communitæ Respub: Ecclesiasticæ, nū-
quam se à præclaris quibusq; facinoribus seduci pati-
untur, ne maximis obrutæ fluctibus & turbinibus ali-
cui infelici calamitatum scopulo illidantur; sed illam
probis iudiciorum conatibus, diuino præeunte Mode-
ratore, ad summam fortunæ amplitudinem deducere
contendunt. Si igitur tanti valoris ac momenti viri;

honestissimis literis cum pietate coniunctis ex cultis,
tàm ad omnem vitæ statum ducendum, quàm ad Res-
pub: dextrè administrandas sunt maximè necessarij;
SEMINARIUM EPISCOPORVM sine horum dextro
regimine bene sibi persuaderi putabit? Nequaquam
Perillustres & Reuerendissimi Domini. imò vbi hi e-
xulant omnem ordinem magnam iacturam subire, &
à pristino statu deflectere, in præcipitiumq; ruere sem-
piternum est necesse. Quid enim aliud SEMINARIUM
EPISCOPORVM? nisi promptuarium virtutis, norma
pietatis, Ecclesiæ gubernatio, religionis propagatio,
hæresum extirpatio. Hi sunt defensores Ecclesiæ a-
cerrimi, legum conseruatores fortissimi, & Custodes
diligentissimi, religionis propagatores feruentissimi,
Cultores pietatis, vindices iustitiæ, temperantiæ, pru-
dentiæ assertores. Profecto nemo hæc officia obire
poterit, qui literarum studijs à primo ætatis flore cum
pietate coniunctis non fuerit informatus. Hæc est
deniq; vera & genuina virtus, quæ ad veræ religionis
propagandam ducit dignitatem, ad mentis innocen-
tiam DEO consecrandam rectam monstrat viam, ra-
dijs diuinitatis illuminat intellectum, morũ constanti-
am stabilit, vitæ puritatem consecrat: quæ quicquid il-
li supremo cælesti Numini, quid Ecclesiæ, quid carissi-
mæ patriæ, quid amicis debeamus manifestè declarat.
Sed cum in recensendis pietatis & literarum effectibus
plus verborum, quàm necessitas ipsa postulauerat pro-
fude-

fuderim: iam mihi amplissimus ad contemplandas
florentissimas in sacro vestro Senatu virtutes aperitur
dicendi campus, & omnia bona de illis augurandi. Flo-
rebat statim à primis erectis hui⁹ Almæ Matris Ecclesiæ
fundamētis Sacer vester Senat⁹ eruditissimis & piētissi-
mis viris, quos in primis ab exteris nationib⁹ accersitos,
ad diligentem sanctissimi Numinis cultum plantandū,
propagandum, magna Principum Polonorum dota-
bat sustentabatq; munificentia, vt eorum saluberrimo
suasu, gens lumine fidei destituta, sacro fonte Baptismi
lota, postpositis & conculcatis falsorum **DEORVM**
commentis, verum **DEVM** cognosceret & illi debitum
venerationis cultum exhiberet. Primus Villibalinus,
Gallus fungebatur Apostoli officio summâ sanctimo-
nia vitæ, pietatis studio, & magnis ingenij dotibus in-
signis ad noua lia religionis Christianæ plantanda Sedi-
que Apostolicæ subiungenda à Ioanne XIII. Summo
Pontifice in Poloniam missus, summis precibus Me-
ceslai Regni Poloniæ Monarchæ Archipræsuleam
Gnesnensem sedem gubernandam suscepit. Secund⁹
Hatto in amplificanda religione Christiana feruentis-
simus Almam Metropolitanam sedem Gnesnensem
virtute, prudentia, grauitate, morum probitate, & Di-
uinarum rerum pio studio, sedulò gubernauit. Non
proferam in medium Diui **ADALBERTI** tutelar^{is} hu-
ius Ecclesiæ, & Sancti Gaudentij Fratris eius felicissi-
mum regimen, & sanctissimas Diuinasq; virtutes, quas
B 2 neq;

neq; arida eloquētia mea recēdere, neq; sterilis styl^o ad-
æquare vllō modo poterit. Prodeat ad eam rem pro-
bandam vniuersus sub vexillo Christi militans popul^o,
quanta beneficia in suis necessitatibus cum deuotio-
nis affectu & certa spe post DEVM obtinendorum vo-
torum, ad illum confugiens, singulis ferè momentis re-
cipiat. Neq; mihi opus est longo catalogo ad enume-
randos SS. Viros ab exteris nationibus ad primitiale
Archiepiscopæ decus assumptos; largam nobis suppe-
ditant copiam ex vestro grauissimo Capitulo Perillu-
stres & Reuerendissimi Domini Prælati vitâ functi,
qui nulla alia decorati dignitate, his proprijs subsellijs
Archipræsuleam Cathedram conscenderunt, & excel-
sis virtutibus, quæ iustis præmijs excitantur, ornârunt.
Testis est Petrus è Præposito huius Almæ Ecclesiæ in
Archiepiscopum Gnesnensem Anno reparatæ salutis
1050. electus veridicus Senator: qui postposito pe-
riculo mortis, Regem Boleslaum Sancti Stanislai tru-
culentum occisorem, censuris interdicti, perculit. Te-
stes, Philippus, Anno ab Incarnatione Christi 1272.
Et Ioannes Latalski, se ex sola huius amplissimæ Præpo-
situræ præeminētia ob pietatem singularem, ingeni-
um præstans, consilium prudens, facundiam raram,
Archicathedram Gnesnensem, post multa in Ecclesi-
am & Rēpub: merita vtilissimè conscendisse. Testes
Ioannes secundus & Wloftiborius Anno Æræ Christi-
anæ. 1279. Decani Gnesnens: quos in altissimo supre-
mæ di-

mæ dignitatis apice fuisse collocatos legimus, viros insigni eruditione, incredibili zelo erga Ecclesiam ornandam celebratissimos, in quibus omnis chor⁹ virtutum sedem & domicilium fixisse perhibetur. Testem habemus Stanislaum Fulconem Canonum Doctorem, Archidiaconum vestrum omni virtutum decore conspicuum. tiaram Archipræsuleam Anno à partu virginis 1234. assumpsisse: Sancti Stanislai ossa in numerum, SS. relati solenniter leuasse, & annulum sigillare. huic Almæ Ecclesiæ cum parte reliquiarum donasse. Testis est Vincentius Roth Magister Artium & Philosophiæ Doctor Custos vester, vir magni ingenij, qui in celsissimum Metropolitanæ Ecclesiæ culmen, renuntiatus fuit, Primus pileo Cardinalicio adornatus, non cum postrema Regni Poloniæ laude Basiliensi interfuit Concilio. Testentur denique Iacobus ex municipio Znenensi Doctor Decretorum, Dobrogostius ex gente Nałeciana Iurisconsultus, Gdzislaus, Vincentius, Boryslaus, Iaroslaus, Boguria Doctor Canonum, Bodzantá; quos excelsa virtus cœlestis pietatis, eruditionis, prudentiæ; magnitudo consilij, dicendi grauitas, magnarum rerum vsus & cognitio, ex Canonicis Gnesnensi ad sublime Archiepiscopatus fastigium transferre non est dedignata. Versiet inpræsens ad excusandum me ingeniosus Lyricus vates, si cuiquam mirum videatur me quædam in medium non sine opinione, attulisse.

*Virtus repulsæ nescia sordidæ
Intaminatis fulget honoribus
Nec sumit aut ponit secures
Arbitrio popularis auræ.*

Possū hic quidem singulorum pia & præclara opera
in ornatum templorum tam interiorem, quàm exteri-
orem ad implorandam Diuini Numinis opem conse-
cratorum recensere, literarum culturam celebrare, ad-
mirandum omnium virtutum concentum prædicare;
verū multos consultò viros memoratu dignissimos
dræterco, cū mihi non tam orationis vbertas apud
Perillustres D. V. sit comparanda, quàm fastidium le-
gendi penitus fugiendum. Præsertim cū multa anna-
lium monumenta ad omnem ferè mortalitatis memo-
riam celebranda, vberiore vobis & luce meridiana
clariorem de illorum præclare factis relinquant infor-
mationem. Reflectamus tamen paulisper cogitatio-
nem ab istis primorum seculorum viris, relictis Rece-
ptionum annalibus, quorum nobis ad manus copia nō
extat, & ad præsentēs, qui in ore viuūt ac mentib⁹ ho-
minum, accedamus. Inferamus oculos in Ecclesiam,
introspeciamus in omnes Augustissimi Capituli vestri
partes, & videbimus viros omni virtutum & scientia-
rum genere celeberrimos, in excolenda & exercenda
in omnes beneficentia claros, summis ingenijs, suauis-
simis moribus cumularos: ad labores in Ecclesia DE I
sustinendos, non pigros: ad consilia danda, prudentes
ad vir-

ad virtutis furculos inserendos propensos: ad errores
Hæreticorum funditus extirpandos, feruentes. Ex ve-
stro enim amplissimo Collegio tanquam ex aliqua edi-
tori specula in qua omnium oculis conspicimini, viri
dignissimi, amplissimis in Ecclesia DEI, publicis offi-
cijs in signiti egrediuntur; quos nec grauissimi labores
in ornanda Ecclesia debilitare, nec vllæ difficultates ab
instituto cursu amouere vnquam possunt. Ex hoc pe-
rinde atq; ex limpidissimo fonte & sæcundo solo; pul-
cherrima Clarissimorum virorum, generis, sanguinis,
vitæ, sapientiæ lumine splendentium, ornamenta, ad
Insulas & currus Senatorios; Archipræsules, Regni Can-
cellarii, DEI prouidentia Abbates, suæ vocationis di-
ligentissimi assertores, profluxerunt. Salutabat Gne-
sna non ita pridem Illustrissimum & Reuerendissimū
D. Dominum IOANNEM LIPSKI Archiepiscopum
Gnesnensem, quē olim suū dimiserat Cantorem, mira
ingenij solertia, oris facūdia, excellētis literaturæ cultu-
ra præditum. Hui⁹ Eminentissimi Primatis plurima de
Ecclesia & Repub: cogitantis, digni diuturniori fato,
manifestus prudentissimarum perorationum splendor
per totam poene Europam ad immortalem laudem sibi
conciliandam non mediocris effulsit: cuius nunc mæ-
ror ex eius morte præpropere concept⁹, viua & adhuc
spirantia, tristissimi gemitus in visceribus & medullis
Ecclesiæ, Reipub: Fratrum charissimorum & omnium
Necessariorum reliquit contestandi argumenta. In-
gres-

gressus est faustis acclamationibus amplissimam honoris Augustissimi Archicathedram Leopoliensem Stanislaus Grochowski Canonicus vester, ad euertendos schismaticorum errores, prudentissimus Antistes, pietatis & deuotionis studiosissimus, magnanimitate, dexteritate præditus; prompti consilij ad deliberandum, percocti iudicij ad exequendum munº, Senator. Imposuit Cracouia vnicus ille Regni Poloniæ ocellus, bicornem mitram Culmensi deposita, in præmium florentissimæ virtutis olim vestro Canonico, Illustrissimo & Reuerendissimo D. Iacobo Zadzik, ad externorum bellorum impendentium sopiendos motus cum Suecis Orthodoxæ fidei depulsoribus ferocissimis, prudentissimo Senatori, & Regni Cancellario per annos complures, legum, libertatisq; Poloniæ Custodi, munificētissimo Academiæ nostræ Cracouiēsis Benefactori. Excepit Cuiusmodi cum debita Officij sui veneratione ad suam exedram Illustrissimum & Reuerendissimum D. Mathiam Lubinski; quem Gnesna dimiserat Canonicum, excelsi ingenij, admirandæ prudentiæ Senatorem, prauitatis Hæreticæ extirpatorem, Academicæ Religionis Canonorum Regularium, Custodum SS. Sepulchri DD. Hierosolymitani, planeq; Doctissimorum Virorum propagatorem. Hunc ex vestro olim nobilissimo corpore ac Collegio, vestris optatissimis & fauentissimis suffragijs Almæ Ecclesiæ Sponsum, delegistis: qui possit ac valeat in æstā ac squalidam

lidam Sponsam voluntate, prudentiâ, authoritate, suis
proprijs impensis ad pristinum cultum & splendorem
reuocare. Optimam spem concipite Perillustres &
Reuerendissimi DD. de ipsius beneuolentissimo erga
hanc Ecclesiam restaurandam animo. Quemadmo-
dum enim magnam vetus Respub: Romana & vniuer-
sus populus Censori designato attribuebat laudem, si
præsente ipsius Magistratu copiosam ex agris frugum
vbertatem ad horrea sua aduexissent, ex vineis largam
copiam vini collegissent: non minorem & vos Eminen-
tissimo futuro Sponso attribuetis; cum faustissimè sum-
mis virtutū indicijs videritis fauentib⁹ superis admini-
stratē suâ gubernationē cui suprema Dei Bonitas quā
diutissimè felicissimā impertiat vitā, & citissimè ad nos
saluū ac incolumē deducat, & quā maximè salutaria
ad conseruandam omnibusq; bonis cumulandam suam
Archidiæcesim per eum suggerat consilia. Intro-
duxit Posnania Maioris Poloniæ Metropolis in suam
Episcopam cum gestientis animi tripudio, & magno
Procerum, & nobilitatis concursu & desiderio Illustris-
simum & Reuerendissimum DD. Andream Szoldrski
Vestrum Præpositum, virum rerum tractandarum vsu-
peritissimum, verum cultorem humanitatis, propagā-
dæ religionis & neglectorum bonorum Ecclesiastico-
rum acerrimum vindicem: qui omnium animos sibi
ad dictissimos incredibili videndi sui desiderio ita deti-
nebat; vt eum sibi reducem à liminibus Sancti Petri or-

mnes quàm citissimè exoptarent. Assumpsit Płocia
Vestrum Prapositum Illustrissimum & Reuerendissi-
mum DD. Stanislaum Lubinski annum ante vitâ piè
functum, & iam in æternas Beatorum sedes translātū:
cuius sapientissima scripta cum admiratione apud ex-
teriorum populorum vrbes & Regiones multorum ma-
nibus euoluuntur, & Tullianæ suadæ persimilia adiu-
dicantur. Extollat iustis laudibus Luceoria Illustrissi-
mum & Reuerendissimum DD. Gembicki olim Epi-
scopum Theodosiensem, Vestrum Suffraganeum, Ab-
batē Trzemesnensem, qui, quàm laborioso conatu ab
impetu prauitatis Schismaticæ suam Diæcesim vindi-
care nititur, vt illud perniciosum lolium radicibus ex-
tirpare valeat, satis dicere non possum. Voluit Rex sa-
pientissimus. Illustrissimum & Reuerendissimū DD.
Petrū Gembicki Vestrum Custodem, non min⁹ quàm
patriæ libertatis ob singulares animi dotes in de sulto-
rio Episcopatu Præmisliensi, vt altiorē quem minimè
ambit etiam vtrò collatum, ascenderet honorum gra-
dum, & vigilem, Reipub: curam assumeret. Ethic
nolo eorum virorum longam seriem contexere, quos
pientissimæ memoriæ sapientissimi Reges ad hominū
admirationē acutissimo ingenio diligentissimos spe-
culatores, Ecclesijs præficiendos esse curârunt. Non
conticescet præclara pietatis opera Alma Metropolis &
Respub: dignissima merita Stanislai Karnkowski, Al-
berti Băranowski Collegij vestri Cantorum, virorum
cla-

clarissimorum, tum verò optimorum, omnibus charissimorum illius temporis, omnes virtutes in se complectentium. Non prateribit **Bernardi** Macieioſki Cardinalis, Canonici Veſtri, excelsi animi magnitudinem, nihil tam abiectum, & humile cogitantis, quod conſultò conſtituerat effectu non expleret, auelliſque ſe ab eo aliqua difficultate pateretur. Nec ſilebit certè Laurentij Gembicki Cancellarij Veſtri, Sarmatici noſtri æui Oratoris, illud Sanctitatis ac doctrinæ incomparabilis exemplar; in conſeruando amplificandoque cultu Diuino, paternum erga hanc Eccleſiam laminis æreis deſuper cooperiendam declarantis animum. Tradet famæ nunquam morituræ Auguſtiſſima Cathedra Cracouiſis eximias virtutes, & illud Muſæum orbis Sarmatici, & eruditionis emporium, Stoa Cracouiſis; in deſeſſum munificentiaſtudium diſertiſſimi Petri Tylicki Canonici Veſtri, ob elegantiam & vberioris doctrinæ laudem appellati ſcholastici. Et Andrea Lipſki Cuſtodis, viri legū Eccleſiaſticaſtudiū & Regni peritiſſimi, in oculis & vultu omnium veluti in ſpeculo clariffimo realitatem, & in rebus agendis dexteritatem, quilibet legit, notauit, & admiratus eſt ſingularem. Conferenda iuſtitia, pietas; comitas, ſuauiſtas, cum immortalitate in Vladislauieſi Episcopatu Mathia Piſkonſki Præpoſiti Gneſnenſis vt ſine his virtutibus nihil de veræ religionis Catholicaſtudio remiſſerit, niſi in publico clariffimorum Virorum theatro,

excellentis animi sui impetus fuerit singularis & opera
præcipua. Commemorabit sera posteritas in Posna-
nienſi, Adamum Nowodworſki Veſtrum Canonicum
nullum amoris, nullum ſtudij, nullum pietatis officium
in ornanda Eccleſia per incendium collapſa, negligen-
tem; redditus annuales ad ornamentum & decorem do-
mus DEI libentiſſime conferentem. Non eſt ſepul-
ta vnà cum cineribus, pietas in DEVM, quam ipſe o-
mnibus notam ac teſtatam eſſe voluit Ioannis Kuc-
borſki Epſcopi Culmenſis Scholaſtici Veſtri. Nota eſt
in Luceorienſi Achacii Grochowſki Cantoris Colle-
gij Veſtri ſapientia, rigor iuſtitia, qui religione nihil in
illis præſertim Schiſmaticorum partibus ſanctius, pie-
tate nihil charius, virtute nihil amabilius præferri vo-
luit. Nota eſt & ſatis perſpecta in egenos & pupillos
liberalitas & munificentia Epſcopi Varmienſis Simo-
nis Rudnicki Cuſtodis Veſtri. Superſtes in Kiiouienſi
excellens doctrina Illuſtriſſimi & Reuerendiſſimi D.
D. Alexandri Sokołowſki Canonici Veſtri viri doctiſ-
ſimi & tam Theologicis quàm Iuridicis diſciplinis in-
ſtructiſſimi. Maniſeſtum eſt, apertum, & fraudis neſci-
um peccatus, in Abbatia Landenſi Illuſtriſſimi & Reue-
rendiſſimi DD. Ioannis Madalenſki DEI & Apoſto-
licæ Sedis gratia Epſcopi Theodoſienſis, Suffraganei
Gneſnenſis; quem innata & multis præclare factis quæſi-
ta virtus Anno à partu virginis 1620. Decima ſeptēbr:
Canonicum Gneſnenſ: creauit, & poſt deuolutum ſpa-
tium

tium viginti annorum, die recurrente decima septima
Septembris, eadem virtus rotam fortunæ prosperæ in-
uertit, & in apice Episcopali tiara Diœcesis Theodo-
sienſis ad Suffragandum in Diuinis rebus Eminentissi-
mo Archiepiscopo Gneſnenſi iuſtis præmijs condeco-
rauit, vt non inconcinne illud accomodari ei poſſit.

Qui virtute olim fellas prouectus ad iſtas

Ad quas hæc virtus Te Pater alme tulit.

Manifesta deniq; pietas religioſiſſimis Patribus, qui in
ſacris illis Diui Bernardi caſtris ſub ſanctiſſimæ militiæ
diſciplina ad æternam felicitatem contendūt; In aulis
Principum cum tanto honore honorificentiſſimum
Cancellariar^o munus obiuit, vt & ſancta Cisterſienſium
Religio perfectiſſimum pietatis intueatur exemplar, &
vetuſtiſſima Madaleniorum Domus virtutem cum im-
mortali laude & gloria coniunctam iſdem veſtigijs in-
ſiſtens imitetur. Silebo Illuſtriſſimos & Reuerendiſſi-
mos DD. Episcopos Venceslaum Paprocki Episco-
pum Margarethenſ: Suffraganeum Vladislauiens: Io-
annem Baykowski Episcopū Ennenſem Suffragane-
um Poſnaniensẽ Canonicos Veſtros, Iuris Canonici
viros conſultiſſimos; quorum inclyta virtus & ſingula-
ris doctrina plurimū hoc ampliſſimum Collegium
illuſtrat: nam & hic effundendus eſſet, aliquis largiſſim^o
Eloquentiæ riuulus; vt virorum tantorum altiſſima æ-
ternitatis ſpatia contemplantium & hanc vitam inco-
lentium virtutes pari adæquaret plenitudine. Merito

igitur vestrum amplissimum Capitulum dicendum est
SEMINARIUM EPISCOPORVM. cum viri in eo ho-
noribus amplissimis, meritis excellentissimis, pietate
admiranda, doctrina satis verbis non deprædicanda, pa-
rauerint sibi ad laudem nunquam morituram non po-
stremam viam, & simillimos tantarum virtutum here-
des reliquerint. Non absimiles vos mihi credite Illu-
stres & Reuerendissimi DD. virtutum & honorum
nexus manet qui Prædecessores Vestros est concomi-
tatus. Quippe virtutes virtutibus, honores honoribus,
pietatem pietate, merita meritis cumulatis, aggrega-
tis, colligitis opulentissima: quæ tantum habent in se
commendationis, vt neq; mea quæ nulla est, neque cu-
iusq; ad commendandum requiratur eloquentia. O
florentissima LILIA odore excelsarum virtutum instil-
lata & diuinæ largitatis rore irrigata! quæ prudentissi-
mos viros ad gubernacula Ecclesiæ nullis pretijs com-
parandos, extollitis, suppeditatis, euehitis. O Nomen
Augustissimi Capituli omnibus seculis celebrandum!
O Cathedræ huius Eminentissimam dignitatem; nulli
Metamorphosi subiectam & in statu felici præclaris le-
gibus & singulari mutuaq; Confratrum charitate insti-
tutam, summa constantia conseruatam, maxima virtu-
te ornatam, omnium temporum mansuram! quæ Tuæ
Maiestatis non contenta sede, tam latè longèq; virtuti
gloriosæ quaris honores: vt nulla sit in regno Poloniæ
Cathedra, nullus in Ecclesia Præminentia locus, in-
quo

quo non appareat Confrater è gremio Vestri prudentissimus, caroq; de ossibus vestris florentissima. Inuoluam alto silentio illos venerandos senes, quos vsus & quotidiana grauissimorum iudiciorum experientia per viginti ferme annos, penes istam Ecclesiam nullo posito interstitio absolutorū, prudentissimos toti orbi commendauit, & quod caput rei est, nullus sententias eorum prudentissimè latas (etiam te insidiatrix bonorum omnium inuidia, & ferax ingrati seculi tempus inuoco & testor) vituperauit, nec retractauit. Crescunt Ecclesiæ ex Vestris grauissimis uiris ex hoc splendidissimo Episcoporum lumine, & florentissimo Senatorum Collegio. Crescit sub Vestris auspicijs illud publicum diuinæ & humanæ Iustitiæ domicilium, cuius habenas non postrema laude tenetis: ut innocentia, non flagitij; ut æquitatis, non iniustitiæ; ut veritatis, non fauoris; accerrimi defensores existatis. Obuersatur fortasse mēti Vestræ vis & robur extensum in sapientia Iudicum: ut non solum quid valeant in dāda sententia, sed etiam quid debeant in administranda iustitia, diligenti trutina examinent: nec quantum sibi permissum crebris vsurpent sermonibus, sed etiam quatenus commissum sit in statera prudentiæ collocēt: quàm in exequendo multi homines iustam & æquam non tam probarent, quàm cognoscerent. Perpetuo vobis in animo versari duas vtilēs & multò libratas Canonum pondere sententias animaduerto: quarum primam

man. quòd diligenter inquiratis ita. **D E V M** o-
pera vestra paulò post iudicaturum quemadmodum
vos metipsi in disquirendis causis hominum diligenti-
am adhibeatis : alterum non estis præcoces sed perspi-
caces in sententijs proferèdis donec ex allegatis & pro-
batis vtriusq; partis iura diligentissime cognoscatis, nò
occlusa altera aure, sed integram & patefactam cum
Macedone Philyppe aduersæ parti seruire contenditis.
Ex hac proinde æquissima cuiuslibet iustitiæ partitio-
ne, ita animos insatiabili oblectatione deuincitis, vt
quilibet in vera virtute, & aliena laude nullum gustum
habens, prudentiam, quâ polletis, vrbauitatis sale con-
ditam, & multis doctrinæ notis illuminatam & distin-
ctam tanquã experèni quodam fonte scaturientem &
profluentem ad animi sui recessus, seruandam non re-
cuset. Vos, qui tot Ecclesijs Cathedralibus, tot Colle-
giatis, tot Regibus & Principibus, quorum gratia sin-
gulari sustentamini, fulgetis : Vos inquam magna &
sublimia decent. Et iure meritò hoc amplissimum
Collegium **SEMINARIUM EPISCOPORVM** appel-
landum est : nam vobis tanquã Athlante omnis li-
bertas Ecclesiastica innititur, à Vobis exempla tanquã
à luminibus Ecclesiæ petuntur omnium virtutum, pie-
tatis ac integritatis, sine quibus nihil gloriosum expleri
potest : apud quos si defuerint, omnes honestæ actio-
nes euanescent & optime constitutæ Respub: penitus
eueruntur. Vos ad omnes gloriosas virtutes peragē-
das

das & Diuus ADALBERTVS tutelaris Vester, & hæc
Alma Metropolis ad locupletem honorū amplissimo-
rum meritis comparandam suppellectilem excitat.
Vos deniq̃, ipse cui vos æterno nexu m̃cipastis suâ pa-
rentelâ semel acceptos, gratia promouebit; Vestra
propagabit dignitatum incrementa: & ab eo à quo om-
nia bona procedunt DEO, quàm maximè salubria,
ad præclaros Vestros, quos causa ornandæ huius Almæ
Matris, ratione non affectu, consilio non cupiditate, su-
scipere intenditis cogitatus, impetrabit consilia. Ve-
niat vobis in mentem Thetis illa, quæ Parocli corpori
Ambrosiam dulcissimum potum infundisse fertur, vt
illud ab omni pestiferæ corruptionis afflatu illæsum &
intaminatum conseruare posset: ita etiam illi Sanctis-
simi Viri amplissimo vestro Collegio guttas excelsæ vir-
tutis instillare & inserere, non sunt veriti, (licet ipsæ
folius ductu naturæ sacro vestro Senatui innatæ, firmi-
ter infixæ, & diuturno vsu corroboratæ esse videan-
tur) vt nominis vestri existimatio apud omnes gloriæ
arbitros, per omnes ætatis partes, valeret sempiterna.
Ferunt Themistoclem clarissimum Atheniensium Du-
cem, dulcem somnum capere cupientem Miltiadis
trophæo excitari: quantò vos acrius quotidie accen-
dunt ac inflammant non vni⁹ Ducis, verum DEVM i-
gnorantis præclare præstita facta; sed innumerabiliū
Virorū sanctimoniâ vitæ præditorū sacrosanctè antea-
cta vita, non ex ipsis lapidibus exsculpta & efformata ad

cito interitura (veluti umbram) laudem; sed ad omnē
æternitatem æternū duraturam. Testantur etiam
solertissimi naturalium rerum indagatores; nasci quasi
dam auiculas in orientis mundi partibus, quarum cor-
pora in ardentissimo caloris æstu absq; vilo putredinis
vitio per longum temporis interuallum, conseruantur:
ideo quod pabulis ex cinnamomo, & varijs aromatum
generibus, suam intempestiuam esuriem, mitigare so-
leant. Non alia ominanda sunt de vestro Illustr. Senatu,
qui odore fragrantissimorum LILIORVM pasto-
rum virtutum aromata sapientissimis actionibus in
mortario pietatis contusa & nunquam interitura suc-
cessoribus suis, ad rem suæ Reipub: dexterrimè agen-
dam, non inuitus reliquit. Crescent igitur vestra LILIA
quæ sunt symbola veræ pietatis, palmites Virtutis, sur-
culi honoris, plantagines religionis. Crescent quā-
diu Ecclesia viuet, quæ nullis terminis circumscribitur,
quamdiu nostra Sarmatia florebit, quamdiu hæc Am-
plissima honoris celsissimi Archicathedra & excellētissi-
mum Virtutis theatrum stabit, tamdiu crescent,
non ad obliterandam, sed ipsa etiam tem-
porum longinquitate producendam
nominis celebritatem.

DIXI.



JAGELLONICA

1 B. 1. 12

Biblioteka Jagiellońska



stdr0018912

